



# BOP

VENRES, 15 DE FEBREIRO DE 2019

N.º 039

## DEPUTACIÓN DE LUGO

boletin@deputacionlugo.org  
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo  
Tel.: 982 260 124/25/26 - Fax: 982 260 205

O presente documento estará  
exposto no Taboeiro de  
Anuncios desta Deputación  
desde o día 15-02-2019  
ata a día 01-03-2019  
O XEFE DA UNIDADE  
PORTERIA DE INSTANCIAS

**PRAZO DE PRESENTACIÓN DE INSTANCIAS:**

**DO 16 Ó 25 DE FEBREIRO DE 2019**

**EXCMA. DEPUTACIÓN PROVINCIAL DE LUGO**  
SERVIZO DE RECURSOS HUMANOS – SECCIÓN SELECCIÓN

*Anuncio*

**PUBLICACIÓN DO ACORDO DA XUNTA DE GOBERNO DE DATA 8 DE FEBREIRO DE 2019 POLO QUE SE APROBA A CONVOCATORIA QUE REXERÁ O PROCESO SELECTIVO PARA AMPLIAR A VIXENTE LISTAXE DE EMPREGO TEMPORAL DE ADMINISTRATIVO**

A Xunta de Goberno da Deputación Provincial de Lugo, en sesión ordinaria celebrada o día 8 de febreiro de 2019, adoptou, entre outros, o seguinte acordo:

*“Logo de ver a proposta do Sr. Deputado Delegado de Goberno Interior, Asuntos Xerais e Formación, do seguinte teor:*

*Obxecto da convocatoria.*

*O obxecto desta convocatoria é a de realizar un proceso selectivo, mediante o sistema de concurso-oposición, para ampliar unha listaxe de emprego temporal, para atender ás necesidades urxentes de incorporación de efectivos da categoría de administrativo/a, nas circunstancias recollidas no artigo 10.1 do EBEP;- ou no seu caso no artigo 15 do Estatuto dos Traballadores.*

Estando vixente unha Listaxe de Emprego Temporal desta categoría de administrativo/a, é necesario realizar este proceso selectivo para a súa ampliación xa que os efectivos que a integran non están dispoñibles para incorporarse, en caso de chamamento para o seu nomeamento interino ou contratación temporal, ao atoparse prestando servizos neste momento.

A necesidade de ampliación da dita Listaxe ven xustificada pola inminente execución dun Programa Temporal de "Posta en marcha dos centros de atención a persoas maiores dentro da relación interadministrativa de cooperación e a prestación compartida de servizos sociais nos centros de atención a persoas maiores", no marco das relacións de cooperación acordadas entre Deputación provincial e Concellos da Provincia de Lugo nos que están asentados os ditos centros.

A rede de centros, incúrsos nese acordo de cooperación interadministrativa, cuxa posta en funcionamento se efectuará ao longo dos próximos meses, están nos concellos de Trabada, Pol, A Fonsagrada, Ribas de Sil, Pedrafita do Cebreiro, Ribadeo, Becerreá, A Pontenova, Pobra de Brollón, Folgoso de Caurel, Portomarín e Guitiriz; estando o seu desenvolvemento en distintas fases de execución.

A posta en funcionamento dalgún destes centros será inminente polo que se precisan de efectivos da categoría de administrativo/a para garantir que a xestión deste proceso se realiza conforme ás condicións e requirimentos establecidos nos convenios de cooperación asinados entre a Deputación e cada un dos concellos referidos.

En consecuencia o persoal que resulte seleccionado para integrar a devandita Listaxe de Emprego Temporal será chamado para prestar servizos en calquera dos referidos centros de atención a persoas maiores dos Concellos enumerados, a medida que sexa necesaria a súa incorporación para o desempeño das funcións que ten atribuído esta clase de persoal dentro das respectivas estruturas.

Igualmente o dito tipo de persoal que integre a Listaxe que se constituía tamén poderá ser chamado para prestar servizos na Deputación Provincial de Lugo, nas distintas Unidades e Servizos nos que sexa preciso, calquera que sexa a súa ubicación xeográfica dentro da provincia, conforme ás condicións que se sinalan, de necesidade e urxencia, na lexislación vixente de aplicación a estas situacións.

Normativa de aplicación ao obxecto da convocatoria.

Visto o disposto pola normativa de aplicación:

- Artigo 10.1 do RD 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público, polo que se establece que "son funcionarios interinos os que, por razóns expresamente xustificadas de necesidade e urxencia, son nomeados para o desempeño de funcións propias de funcionarios de carreira, cando se dea algunha das seguintes circunstancias:

- a) A existencia de prazas vacantes cando non sexa posible a súa cobertura por funcionarios de carreira.
- b) A substitución transitoria dos titulares.
- c) A execución de programas de carácter temporal.
- d) O exceso ou acumulación de tarefas por prazo máximo de seis meses, dentro dun período de doce meses.

- Artigo 15 do Real Decreto Legislativo 2/2015, de 23 de outubro, polo que se aproba o texto refundido da Lei do Estatuto dos Traballadores, sobre contratación de persoal laboral temporal.

- Artigo 19.Dous da Lei 6/2018, de 3 de xullo, de Orzamentos Xerais do Estado para o ano 2018, esixe que: "non se procederá á contratación de persoal temporal, nin ao nomeamento de persoal estatutario temporal ou de funcionarios interinos agás en casos excepcionais e para cubrir necesidades urxentes e inaprazables".

- Artigo 55.1 do RD 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público que sinala que "todos os cidadáns teñen dereito ao acceso ao emprego público de acordo cos principios constitucionais de igualdade, mérito e capacidade, e de acordo co previsto no presente Estatuto e no resto do ordenamento xurídico".

- Artigo 55.2 do RD 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público que preceptúa que "as Administracións Públicas, entidades e organismos a que se refire o artigo 2 do presente Estatuto seleccionarán ao seu persoal funcionario e laboral mediante procedementos nos que se garantan os principios constitucionais antes expresados, así como os establecidos a continuación:

- a) Publicade das convocatorias e das súas bases.
- b) Transparencia.
- c) Imparcialidade e profesionalidade dos membros dos órganos de selección.
- d) Independencia e discrecionalidade técnica na actuación dos órganos de selección.
- e) Adecuación entre o contido dos procesos selectivos e as funcións ou tarefas a desenvolver.
- f) Axilidade, sen prexuízo da obxectividade, nos procesos de selección."

O presente documento estará  
exposto no Taboaireiro de  
Anuncios desta Deputación

até a día 15-02-2019  
O XEFE DA UNIDADE  
PORTERÍA DE VIXIACIÓN

- Artigo 61.1 do RD 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público, que dispón que "os procesos selectivos terán carácter aberto e garantirán a libre concorrència, sen prexuízo do establecido para a promoción interna e das medidas de discriminación positiva previstas neste Estatuto".

- Artigo 27 e 35 do Real Decreto 364/1995, de 10 de marzo, polo que se aproba o Regulamento xeral de ingreso do persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado, sobre a selección e nomeamento dos funcionarios interinos e contratación de persoal laboral temporal.

Listaxe de emprego temporal de administrativo/a conformada por aspirantes que participaron en procesos selectivos.

Nestes momentos a vixente Listaxe de Emprego Temporal das categoría de administrativo/a non conta con efectivos dispoñibles ao obxecto de poder atender as necesidades de cubrir provisionalmente o dito tipo de prazas/postos/empregos, xa que os seus integrantes atópanse prestando servizos, polo que resulta necesario a súa ampliación para atender as necesidades que se poidan producir conforme ás previsións sinaladas anteriormente.

Proposta de acordo.

Considerando que se ten constatado que existe na Entidade a necesidade de contar cunha listaxe de emprego temporal de Administrativo/a, para poder xestionar axilmente a incorporación de efectivos desta categoría cando sexa precisa e estea xustificada a súa incorporación conforme ás esixencias da normativa vixente, en particular as referidas no artigo 19.Dous da Lei 6/2018, de 3 de xullo, de Orzamentos Xerais do Estado para o ano 2018; en uso das facultades que lle confire á Xunta de Goberno a normativa legal e regulamentaria aplicable, propoño á Xunta de Goberno a adopción do seguinte,

Acordo:

1º.- Aprobar que as Bases Específicas que rexerán o procedemento selectivo, mediante o sistema de concurso - oposición libre, para a ampliación da listaxe de emprego temporal de administrativo/a para xestionar de xeito áxil as necesidades deste tipo de persoal e poder efectuar nomeamentos de persoal funcionario/a interino/a polas causas reguladas no art. 10.1 da Lei do Estatuto Básico do Empregado Público (ou no seu caso polo artigo 15 do Estatuto dos Traballadores) serán as que foron aprobadas por esta Xunta de Goberno, en sesión celebrada o 04 de maio de 2018; e publicadas no BOP nº 107, do venres 11 de maio de 2018.

Con respecto ás Bases Xerais que rexerán neste procedemento selectivo estarase ás aprobadas por acordo da Xunta de Goberno, na súa sesión do día 04 de decembro de 2015; e publicadas no BOP nº 289 de data 17 de decembro do 2015.

2º.- Convocar publicamente a quen desexe participar nestas probas selectivas, para ampliar os efectivos da Listaxe de emprego temporal de administrativo/a.

3º.- Ordenar que se realicen cantos trámites sexan necesarios para desenvolver este procedemento selectivo".

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita."

O que se da publicidade en cumprimento do art. 45 da Lei 39/2015, de 1 de outubro, do Procedemento Administrativo Común das Administracións Públicas, coa indicación de que o presente acordo pon fin a vía administrativa polo que contra este cabe interpoñer potestativamente recurso de reposición ante a Xunta de Goberno no prazo dun mes contado a partir do día seguinte á publicación do presente Acordo ou recurso contencioso-administrativo ante o Xulgado do Contencioso-Administrativo de Lugo, no prazo de dous meses e na forma prevista na lexislación reguladora da devandita xurisdición, sen prexuízo de que poida interpoñer calquera outro que estime procedente.

Pazo Provincial, 13 de febreiro de 2019.- A SECRETARIA XERAL, María Esther Álvarez Martínez.

R. 0447

O presente documento estará  
exposto no Taboeiro de  
Anuncios desta Deputación  
desde o día 15-02-2019  
ata a día 01-03-2019  
O XEFE DA UNIDADE  
PORTERÍA E EXIENCIA

